

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: He whakairo te mahi

Aronga: Toi Ataata 1.2B

Paerewa Paetae: Toi Ataata 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai hoki koe i ngā tukanga whakairo hei waihanga i tētahi mahinga toi.

Te horopaki

Ko tāu nā mahi he tūhura, he whai i ngā tukanga toi whakairo hei waihanga i tētahi mahinga toi motuhake.

Māu anō tāu mahinga toi e whakamahere, e hoahoa. Kātahi ka tūhura, ka whakamahi hoki koe i ngā tukanga toi whakairo e whaitake ana ki tāu mahi.

Ka aromatawaingia tāu whakaatu māramatanga ki ngā tukanga whakairo e tika ana kia oti pai ai ngā mahi.

Hei mahi

Kua oti kē i a koutou ngā momo mahi whakairo te matapaki, arā, ko te whakamahere, ngā whakarākei, ngā momo rākau, te whakarite/whakamahi i ngā toki me ngā whao, te waihanga tauira whakairo pāpaku/whakairo hōhonu anō hoki, kia taea ai e koe te waihanga mahinga toi motuhake.

Ko tāu ināianei he whakamahere i tāu ake mahi, he tūhura/whakamahi hoki i ngā tukanga e whaitake ana kia oti ai ngā mahi. Whakaritea āu tuhinga hoahoa, ā, kōwhiria, kohikohia ngā rauemi e tika ana, arā, he papa rākau e tika ana (te rahi/momo) me ngā momo whao (he whao haehae/papatahi/pewa). Tuhia ngā rārangī hoahoa ki te rākau, ā, waihangatia mai tāu mahi whakairo.

Whakaritea mai tāu nā mahinga toi, me tētahi hautaka/kōpaki toi hoki. Ko te hautaka/kōpaki toi tērā hei taunaki i te/ngā tukanga i whāia e koe. Kia tika te tāuru i ngā kōrero/karakia/hoahoa/whakaahua katoa e pā ana ki tāu mahi.

Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā mahi whakairo.</p>
-------------	--